

**KERATAN AKHBAR-AKHBAR TEMPATAN
TARIKH: 5 APRIL 2015 (AHAD)**

Bil	Tajuk	Akhbar
1.	Produk penjagaan bayi daripada labu	Mingguan Malaysia
2.	YIM, GIM hasilkan inovasi untuk 12 juta rakyat	Sinar Harian
3.	Helikopter AS365N2 Dauphin sering digunakan dalam urusan korporat	Mingguan Malaysia
4.	'Blood moon' wows 3,000 spectators	New Sunday Times
5.	Jamaluddin Jarjis suka berjenaka, tidak lokek kongsi idea – Wee Ka Siong	BERNAMA
6.	Biodata Allahyarham	Mingguan Malaysia
7.	Tan Sri Dr Jamaluddin Jarjis	New Sunday Times
8.	Perginya pemimpin dan diplomat berwibawa	Mingguan Malaysia
9.	Kehilangan besar negara	Berita Harian
10.	Jamaluddin a great friend to all	New Sunday Times
11.	Tan Sri Dr Jamaluddin Jarjis	Sunday Star
12.	JJ – from lecturer to politician and diplomat	Sunday Star
13.	Azlin held many roles	New Sunday Times

KERATAN AKHBAR
MINGGUAN MALAYSIA (RENCAM) : MUKA SURAT 32
TARIKH : 5 APRIL 2015 (AHAD)



DARI Kanan Ketua Pegawai Eksekutif BiotechCorp Datuk Nazlee Kamal, Menteri Sains Teknologi dan Inovasi Datuk Dr. Ewon Ebin, Soeraya dan Ezwanor semasa majlis pelancaran Teknologi SFE - Perubahan dalam Industri Kesihatan di Kuala Lumpur baru-baru ini.



PRODUK La Boo Botanics.

TEKNO

Produk penjagaan bayi daripada labu

Oleh **KHAIRUNNISA SULAIMAN**
 nisa.sulaiman@utusan.com.my

MENCARI produk penjagaan bayi daripada bahan semula jadi bukan sesuatu yang mudah. Kebanyakan produk sama ada kosmetik hingga penjagaan bayi mempunyai bahan kimia berbahaya seperti SLS, Paraben, minyak mineral, pewarna tiruan yang mendatangkan kesan sampingan terutama kepada bayi.

Memandangkan kesukaran mencari produk bayi yang dihasilkan daripada bahan semula jadi, pasangan Erwannor Abdul Hamid dan isterinya, Soeraya Satem Ahmad, serta dua lagi rakannya Irnee Norris Ishak dan Irina Norris Ishak membangunkan La Boo Botanics yang mengeluarkan produk penjagaan bayi menggunakan bahan semula jadi tempatan iaitu labu.

Ditanya mengapa memilih mengeluarkan produk penjagaan bayi, Pengarah La Botanics Erwannor berkata, di pasaran terlalu banyak produk kosmetik dan setakat ini tidak banyak produk penjagaan bayi yang dihasilkan oleh usahawan bumiputera.

"Di La Boo Botanics, kami menggunakan teknologi terkini Ekstrak Bendalir Superkritikal (SFE) bagi menghasilkan ekstrak labu kuning. Kelebihan labu adalah buah ini kaya dengan



LABU bahan utama dalam produk La Boo Botanics.



TEKNOLOGI SFE yang digunakan bagi mendapatkan ekstrak labu.

karotinoid, anti oksida yang tinggi untuk menjadikan kulit lembap dan halus selain ciri antipenuaan," katanya semasa ditemui di Kuala Lumpur baru-baru ini.

Erwannor berkata, SFE adalah teknologi hijau dan mesra alam yang semakin popular digunakan untuk menghasilkan ekstrak tumbuhan tulen yang berkualiti tinggi. Teknologi SFE merupakan proses penghasilan ekstrak tanpa memerlukan suhu yang tinggi dan tidak menggunakan sebarang bahan pelarut organik yang berbahaya.

"Ini kerana, suhu yang tinggi mampu merosakkan kandungan aktif atau nutrien di dalam hasil ekstrak tersebut. Manakala pelarut organik pula boleh mengakibatkan kesan sampingan yang berbahaya dan kronik seperti penyakit kanser," katanya.

Produk-Produk La Boo Botanics yang dihasilkan jelas Erwannor menggunakan ekstrak berkualiti tinggi yang berasaskan daripada tumbuh-tumbuhan tempatan dan semula jadi. Semua produk La Boo Botanics adalah selamat digunakan dan berdaftar di bawah Biro Pengawasan

Farmaseutikal Kebangsaan (BPFK), Kementerian Kesihatan Malaysia (KKM).

Erwannor berkata, pengguna tidak perlu risau menggunakan produknya kerana syarikatnya telah menerima status Bionexus daripada **Biotechcorp** sebuah agensi di bawah **Kementerian Sains Teknologi dan Inovasi (MOSTI)**.

"Buat masa ini La Boo Botanics mengeluarkan tiga jenis produk utama dan telah mula dipasarkan secara dalam talian sejak November 2014 iaitu *Delicate Baby Head-to-Toe Wash*, *Calming*

Baby Lotion dan *Soothing Baby Oil Rub*.

"Produk La Boo Botanics diformulasikan khusus untuk melembapkan kulit dan rambut bayi atau kanak-kanak menggunakan bahan-bahan semula jadi yang selamat dan mematuhi piawaian antarabangsa. Aroma yang digunakan sangat lembut dan bersesuaian untuk golongan bayi dan kanak-kanak serta sesuai digunakan sebagai kegunaan harian sebagai mandian dan pelembap kulit dan rambut," katanya.

Erwannor berkata, La Botanics adalah produk keluaran 100 peratus bumiputera Muslim dan mula diperkenalkan semasa Pameran Pertanian, Hortikultur dan Agro Pelancongan Malaysia (MAHA) 2014 November tahun lalu.

Mengenai perancangan masa depan Erwannor berkata, pihaknya sedang berusaha menambahkan produk-produk baru yang lebih inovatif dalam jangka masa terdekat serta menjualnya di butik bayi dan kanak-kanak.

"Kami sedang berusaha untuk meluaskan pasaran ke luar negara dan buat masa ini La Boo Botanics telah menerima pesanan daripada Singapura," katanya.

Buat masa sekarang produk La Boo Botanics hanya dijual di atas talian di Instagram dan Facebook dengan menaip [laboobotanics](http://laboobotanics.com) atau laman web www.laboobotanics.com

KERATAN AKHBAR
SINAR HARIAN ONLINE (<http://www.sinarharian.com.my>)
TARIKH : 5 APRIL 2015 (AHAD)



YIM, GIM hasilkan inovasi untuk 12 juta rakyat



Muhammad Aziph (kiri) dan Yusoff bertukar dokumen selepas menandatangani MoU antara YIM dan GMI.

YAYASAN Inovasi Malaysia (YIM) melantik German-Malaysian Institute (GMI) sebagai rakan teknikal bagi program Inovasi Inklusif menerusi pemeteraian memorandum persefahaman (MoU), baru-baru ini.

Kerjasama itu membolehkan YIM memperbaiki serta mengkomersialkan inovasi yang berpotensi untuk meningkatkan kualiti 12 juta rakyat Malaysia di bawah piramid ekonomi (BOP) iaitu golongan berpendapatan kurang RM3,050 sebulan.

Ketua Pegawai Eksekutif YIM, Muhammad Aziph Mustapha berkata, projek pertama yang akan diusahakan YIM dan GMI adalah menghasilkan lima prototaip berfungsi mini-hidro, sebuah inovasi akar umbi yang dihasilkan Hamid Jasmin di Tambunan, Sabah.

